

經律異相卷第三十四

將四

梁沙門僧旻寶唱等奉

勑撰

諸國王女部第二十四

波羅奈王金色女求佛爲夫一

波斯匿王女金剛形醜以念佛方立改姝將四

顏二

波斯匿王女喪壻更於樹下復得後夫三

安息國王女先從狗中來四

波羅奈國王七女與帝釋共語五

波斯匿王女金剛爲火所焚六

國王女見水上泡起無常想七

王女摩梨尼爲婆羅門所嫉八

國王女狗頭感捕魚師述婆伽九

波羅奈王金色女求佛爲夫第一

波羅奈國王夫人生一女身黃金色頭髮紺

青時年十六父母見女長大欲爲求壻女言  
我不用壻若欲爲我求壻者當令身黃金色  
頭髮紺青如是者乃可爾耳父母便爲求索  
了不能得佛時在舍衛國舍衛國有人賈作  
到波羅奈國國王即請賈人與相見問訊以

女示之言我爲是女求婿天下寧有好人賈人答言我國中有人復勝是女者王聞歡喜令賈人迎取佛賈人便作書與佛書上說是女端正甚好無比欲爲佛娶之佛在祇洹中爲諸比丘數千人說經持書人直前至佛所佛預知書上所說得便裂壞之作書報與金色女言人苦皆從恩愛生生當復老老當復病從病致死從死致憂哭天下苦者皆從恩愛生女得書自思惟即得五通達一者眼能徹視二者耳能徹聽三者知他人心念四者

知所從生五者能飛行便與父母辭訣飛到佛前佛即微笑五色光明從口中出阿難前問佛言阿難汝見此女健乃如是欲知之者迦葉佛時是金色女爲貧家作婦其婿手足拘攣不能行步時國王字基立有一女端正身著金銀瓔珞徑到迦葉佛所受經戒時是貧人婦身但被一疋布亦復隨往到佛所外人不聽前貧人婦自念言我何故獨不得前王女獨前佛即知之令人呼前婦即作禮白言是王女何故獨豪貴如此我獨貧窮佛語

婦人是王女前世好喜讀經以衣施與沙門故今世得豪尊端正汝前世不樂經法慳貪

不肯布施見沙門不相承事令汝今世貧窮如是貧婦言願佛哀我愚癡教我經法迦葉佛便教之於樹下讀經坐自思惟便取樹葉縫連作衣以覆其身欲持身上所著氈布衣上佛天王釋見有至心便持天衣金銀飲食與之婦得衣便以布施設供壽終生天天上壽盡來生世間爲國王女喜讀經布施故身黃金色頭髮紺青

出金色  
女經

波斯匿王女金剛形醜以念佛力立改殊顏

## 第二

佛在舍衛國爾時波斯匿王最大夫人名曰末利時生一文字曰波闍羅此言女面醜惡肌體纏澀猶如駝皮髮如馬毛王觀此女無一喜心便勑宮內勤意守護勿令外人得見之也女年轉大任當嫁處王告吏臣卿可推尋豪姓貧者便可將來臣即如教得一貧窮豪姓之士將至王所向彼人說我有一女面狀醜惡未有酬類當相供給想卿不逆當納

受之時長者子長跪白言當奉王勑王即以女妻彼貧人起宮宅門閣七重王勑女夫自捉戶排若欲出時而自閉之勿令人觀見女面狀王給女婿使無乏短又拜爲大臣其人有財與諸豪族共爲讌會月月更爲會同之時夫婦俱詣諸人來會悉皆將婦唯彼大臣恒常獨往衆人疑怪彼人婦者儻能端正或能極醜是以被人故不將來密共相語勸酒令醉解取門排開其門戶時女心惱自責罪咎我種何罪爲夫所憎恒見幽閉不覩衆人

復自念言佛現在世潤益衆生苦厄皆度即便至心遙禮世尊唯願垂愍到於我前暫見教訓其女誠篤佛知其意即到其家於其女前地中踊出其女見佛心生歡喜惡相即滅身體端嚴猶如天女奇姿蓋世佛愍女故爲說妙法即盡諸惡得須陀洹道時彼五人開戶入內見婦端正怪不將來還閉門戶持鑰繫本帶其人醒悟會罷至家見婦姿容人中難有欣然問曰汝是何人女答夫言我是汝婦夫言汝前極醜今者端正其婦具說上事

其夫即往白王今者蒙佛神恩已得端正天女無異王勑將來迎女入宮王見歡喜王及夫人及女并女夫共至佛所禮佛言不審此女宿植何福乃生豪富受醜陋形佛告王曰過去世時國名波羅奈有大長者財富無量舉家恒共供養<sub>第四</sub>一辟支佛身體麤惡形狀醜陋時彼長者有一小女兒見彼辟支惡心輕慢呵罵毀言面貌醜陋身皮麤惡何其可憎此辟支佛受其供養欲入涅槃為其檀越作十八變即從空下還至其家長者倍喜女即悔

過唯願尊者當見原恕時辟支佛聽其懺悔佛告大王爾時女者今王女是毀呰賢聖受醜陋形後見神變自改悔故還得端正由供養佛故世世富貴緣得解脫<sub>出賢愚經  
第二卷</sub>

波斯匿王女喪婿更於樹下復得後夫第三佛詣迦羅越家食入不閉門後隨來者一切皆與食得令飽滿弟發惡意我不聽入若得自在比丘來時我折其腳兄弟二人便各別去皆樹下卧弟發惡意有牛驚奔擊折其腳兄發善意日西樹蔭故處其上波斯匿女婿

亡王甚憐愛爲其女呼婆羅門相覓福人以爲女婿婆羅門出按行見一人卧在樹下日西樹蔭故覆婆羅門言此是福人即以白王王言那知具其上事呼來澡洗更著好衣便嫁女與之

出十卷答喻  
經第四卷  
特四

安息國王女先從狗來第四

五

昔外國有城名頭迦羅中有白衣日日請沙門還家中食沙門是羅漢沙門坐飯內中有狗沙門食時常搏飯分狗狗得飯歟便生好心向沙門沙門日日往狗便習得沙門食時

狗思見沙門沙門來便復持一搏飯與狗狗有好心向沙門積年命終乃爲安息國王女生便識宿命知本是狗云我棄狗身得王女身國中都無佛寺沙門時月支王遣使詣王王見使賢明意欲女與作婦使將女去女見沙門心大歡喜憶先作狗沙門與飯好向沙門今得人身今當大供養沙門月支國中大有沙門婦常日日飲食三五百人手自斟酌不使人客飯食適訖手自掃地舍中婦女奴婢皆生好心言此婦乃是王女來在此間常

掃除供養沙門我輩亦當用心奴婢輩便藏去掃簾欲自掃地大家索簾了不知處便取簾中初來所著衣卷以掃地夫見婦以新衣掃地便言卿雖敬佛法何事乃當以衣掃地當索掃簾婦言我但以好心向一沙門二歲得是衣耳政以此衣掃當何苦哉我前世時初無可用布施但有好心信有佛法故得此福亦不治生得此衣也夫語婦言卿雖信佛法供養沙門未曾見沙門與卿一錢兩錢衣皆是我筋力所致婦便爲夫自說宿命言我

前世時生在狗中大家數請沙門沙門搏食與我我有好心向沙門故去此狗身生爲王家女也夫聞歡喜謂婦言卿但以好心向一沙門得祐乃爾夫先慳貪聞婦所說即大布施無所遺惜齋戒精進興立佛寺夫心念言持四但以好心得此功德婦便報言心能令人得佛得生天上得作辟支佛得阿羅漢皆是心力也若心念惡令人墮地獄出明狗命終作園王女自識宿福報經又出

波羅柰國王七女與帝釋共語第五

波羅柰國道場從地底上皆黃金色魚鱗龕  
甲轉次相加往古諸佛皆坐其上王名脂旬  
尼作優婆塞明於經道爲佛立精舍極大嚴  
事王有七女皆並端正悉持五戒執節不嫁  
第一女名淑調二名異妙三名除貪四名清  
守五名息心六名靜友七名僧婢常以月八  
日十四日十五日二十三日二十九日三十  
日精受八戒持正法齋修厥所信奉戒布施  
名聞智慧之行七女齋畢求到城外塚間遊  
觀王告七女塚間可惡但有死人骸骨狼籍

狐狸鴟鴞食敗其肉諸哭泣者滿在其間有  
何可觀我宮裏有園苑浴池其中有五色蓮  
華鷁鶴鷺鷲衆鳥翔集其地列重光目之草  
琦樹陰涼甘果恣口可往遊戲七女答言大  
王甘果衆美何益於我我見世人生壽無幾  
得四命日趣死形爲幻化莫得久存我以勉夫幼  
孩不爲甘美感也徒欲觀非常之法願却貪  
意耳願王哀許王即聽之七女俱出城外往  
到塚間大臭之處聞哭泣之聲歎然毛豎因  
共直前觀諸死人見有斷頭斷臂手脚異處

或有殮屍草覆席裏或有墓擦在地生草束  
縛中有罪未死者家室啼哭令其解脫又有  
擔負死人從城中出者七女左右遠望見死

者甚多諸飛鳥走獸爭食其肉或就土中拖  
掣屍出肝張生蟲其臭難近於是七女繞之

一帀自相謂言我曹身體不久亦爾各說一

頌第一女言

世人重其身 妙衣加寶香 緺視雅容步  
姿則欲人觀 死皆棄於塚 何用是飾嚴

第二女言

譬如一身居 人去舍毀傾 神遊而身棄  
莫能制其形 癡貪謂可保 安知後當亡

第三女言

觀神載形時 猶馬駕車行 車敗而馬去  
可知此非常

第四女言

本見城完好 中人樂安居 所求未央足  
何便忽空虛

第五女言

若乘船渡水 至當捨船去 形非神常宅

焉得久長居

第六女言

人死依塚卧 形具尚鮮好 促然不動搖  
厥神安所在

第七女言

如雀在瓶中 羅縠覆其口 穀穿雀飛去

特四

時天帝釋聞之下讚善哉善哉汝欲何願吾  
今與汝七女問曰是梵天耶將地神耶得無  
帝釋耶答言然吾是忉利天帝釋也第一女  
神自隨行走

言願得無根無枝無葉之樹於其中生如是  
爲快第二女言願所生之地清淨無欲無有  
陰陽寂無所緣第三女言願如山谷呼聲之  
響無往無反自然無形第四女言願如虛空  
不始不終無所出生與道通洞釋言止止諸  
女所願甚妙欲作日月中王爲可得矣若夫  
虛無無想非吾所制七女言天帝神德高大  
何以不能致此佛說食福者福盡不免於畏  
譬如老牛不能爲人用何益於我哉天帝釋  
言諸女修齋戒吾亦奉於佛當爲法兄弟快

乎妙願言竟不現

出佛說七女經

波斯匿王女金剛爲火所焚第六

波斯匿王有一寡女名曰金剛莊嚴來歸父  
王哀愍別爲立宮給五百妓女以娛樂之有  
一長老青衣持四九名曰度勝恒行市脂粉香華忽  
見男女無數大衆各齋香華出城即問欲何  
所至衆人答言欲問訊佛佛出世間三界之  
尊度脫衆生皆得泥洹度勝聞之心悅意喜  
即自念言會老見佛宿世之福便分香直持  
買好香華隨衆人輩往到佛所作禮訖却立

散華燒香一心聽法過市取一香物因聽法  
功德宿行所得之香氣熏倍前嫌其遲晚而  
共詰之度勝言世有聖師三界之尊說無上  
法隨人聽受是以稽遲金剛聞歡喜而自歎  
曰吾等何罪獨隔不聞即報度勝試爲我說  
度勝受命即先遣出具受儀式度勝未還金  
剛侍女側息中庭如子待母佛告度勝汝還  
說法之儀先敷高座度勝受勑具宣聖旨皆  
大歡喜各脫衣一領積爲高座度勝洗浴承  
佛威神如應說法金剛女等五百餘人疑解

破惡得須陀洹道說法甚美不覺失火一時燒死即生天上王捨棺殮葬送畢往過佛所佛問王所從來王曰金剛不幸不覺失火大小燒盡適棺殮還不審何罪遇此火害唯願世尊彰告未聞佛告大王過去世時有城名波羅奈有長者婦將妹女五百人至城外大祠祀其法難犯他姓之人不得到邊不問親疎來者擲著火中時世有一辟支佛名曰迦羅處在山中晨來分衛暮輒還山中迦羅分衛來趣郊杞長者婦見之忽然瞋恚共捉迦

羅擲著火中舉身焦爛便現神足飛昇虛空衆女驚怖泣淚悔過長跪舉頭而自陳曰女人癡慚不識至真羣惡愚荒毀辱神靈自唯過疊罪如山積願降尊德以消重殃尋聲即下而般泥洹諸女起塔供養舍利佛爲大王而說偈言

附四

愚眷作惡不能自解殃追自焚罪成熾然愚所望處不謂適苦臨墮厄地乃知不善佛告大王爾時長者婦今王女金剛是五百侍女今度勝等五百侍女是

出愚闇法句  
經第二卷

國王女見水上泡起無常想第七

昔有國王女爲王所愛未曾離目時天降雨  
水上有泡女見水泡意甚愛敬女白王言我  
欲得水上泡以爲頭華鬘王告女曰今水上  
泡不可執持云何得取以爲華鬘女言設不  
得者我當自殺王聞女語告巧師曰汝等奇  
巧靡事不通速取水泡與我女作鬘若不爾  
者當斬汝等答曰我等不堪取泡作鬘有一  
老匠言我能取泡王甚歡喜即告女曰今有  
一人堪任作鬘汝可自往躬自臨視女隨王

語在外瞻視時彼老匠白王女言我素不別  
水泡好醜伏願王女躬自取泡我當作鬘女  
尋取泡隨手破壞不能得之如是終日竟不  
得泡女自疲厭而捨之去女白王言水泡虛  
僞不可久停願王與我作紫磨金鬘終日竟  
夜無有枯萎水上泡者誑惑人目雖有形質  
前四生生便滅盛談野馬亦復如是渴愛疲勞而  
喪其命人身虛僞樂少苦多磨滅之法不得  
久停遷轉變易在世無幾出水上  
王女摩梨尼爲婆羅門所嫉第八

過去有王名曰禁寐生一女兒著自然金華  
鬘號曰摩梨尼王召國內同日生女五百人  
以充給使摩梨尼年大供養五百婆羅門日  
日不替時迦葉佛住一園中常出遊行至佛  
住園御者不入女問我無園不入何故避此  
答曰此園但有禿頭沙門名曰迦葉不宜見  
之是故不入女曰可入見佛金色心大歡喜  
頭面作禮佛爲說法得果受三歸五戒致敬  
而去女自追念婆羅門非良福田不應受施  
迴以供佛時婆羅門聞摩梨尼作迦葉弟子

更以上饌而供養之心生嫉妒禁寐已夜得  
十一種夢曰集羣臣自學所夢臣令問相婆  
羅門婆羅門曰此夢不祥或當失國或能喪  
命王曰可免乎相師答曰須種種牛羊象馬  
并王女摩梨尼及五百眷屬却後七日於四  
街道中殺以祠天此災可滅王聞勅令即辦  
呼摩梨尼以事語之六日之內隨意所欲答  
曰甚不惜死願第一日與城中男女共至迦  
葉佛所皆受三歸五戒王即聽之願第二日  
與王衆臣共往佛所願第三日與諸王子共

往佛所願第四日與諸三女共詣佛所願第  
五日與王夫人嫁女共至佛所願第六日與  
王共至佛所王悉聽許及與衆人往至佛所  
佛爲說法得果皆受三歸五戒王向迦葉佛  
說十一夢佛言此夢所爲未來非現在也夢  
持四  
小樹生華者當來有佛名釋迦文時世之人  
年始二十頭生白髮已生兒子夢犢子耕者  
十歲兒領家事父母不得自在夢三釜並煮  
飯邊釜各跳相入不墮中央者富者更相惠  
施貧者不得夢見駱駝兩頭食草者羣臣既

食王祿復取民物夢見馬母飲駒乳者時母  
嫁女反從求食夢見金鉢於虛空中行者兩  
澤不時夢見野狐尿金鉢中者人民從富婚  
不顧姓族夢獮猴坐牀上者時國王用非法  
治暴虐無道夢見牛頭栴檀賣與腐草同價  
者釋種貪利爲人說法夢見水中央濁四邊  
清者佛法中國先滅邊國反盛於王之身無  
有不祥王即於座上勅諸臣曰祠天之牲今  
悉無畏吾從今寧自失命不故殺生況殺人  
乎出彌沙律  
第三十卷

國王女狗頭感捕魚師述婆伽第九

國王有女名曰狗頭有捕魚師名述婆伽隨道而行遙見王女在高樓上窓中見面想像染著心不暫捨彌歷日月不能飲食母問其

持四

十三

故以情答母我見王女心不能忘母抑諭言

汝是小人王女尊貴不可得也兒言我心願樂不能暫忘若不如意不能活也母爲子故入王宮中常送肥魚肥肉以遺王女而不取價王女怪問汝欲求何母白王女願却左右當以情告我唯有一子敬慕王女情結成病

命不云遠願垂愍念賜其生命王女言曰汝月十五日於某甲天祠中住天像後母還語子汝願已得告之如上沐浴新衣在天像後住王女至時白其父王我有不吉須至天祠以求吉福王言大善即嚴車五百乘出至天祠既到勑諸從者齊門而止獨入天祠天神思惟此不應爾王爲施主不可令此小人毀辱王女即厭此人令睡不覺王女旣入見其睡重推之不悟即以瓔珞直十萬兩金遺之而去去後此人得覺見有瓔珞又問衆人知

王女來情願不遂憂恨懊惱姪火內發自燒而死以是證故知女人之心不擇貴賤唯欲是從復次昔有國王女逐栴陀羅共爲不淨又有仙人女隨逐師子等

出大智論第十四卷

經律異相卷第三十四

音釋

孭力具切轢郎狥切麓盧谷切竹鷄鷄鷄  
係也 車踐也 高篋也 尺  
之切鵠虛尤切 獦所力切殼居良切屍  
鵠鵠鵠鵠也 悚怖也切殞不朽也切  
陟格陟降切昌列切撡他鼎  
裂也 壴也切脰脰正降切促  
也愚也 豐許刃切脰脰正降切促

永樂北藏

經律異相

第一三四冊